

KOMITÊ DI SKOLAS DI SIDADI DI BOSTON



MEMORANDO

PA: Menbrus di Komitê di Skolas di Boston
DI: Jeri Robinson, Presidente
ASUNTU: Afiliason & Enkargus di Komitê di Buska di Superintendente
DATA: 2 di marsu di 2022

Na runion spesial di Komitê di Skola di Boston di es noti, N ta furnesi un atualizason sobri Prusesu di Buska di un Superintendente, inkluidu un lista konpletu di menbrus sujeridus pa sirbi na Komitê di Buska di un Superintendente. N kre agradezi nhos opinion sobri afiliason. Kes novi menbrus sujeridus ta representa un konjuntu anplu i diversifikadu di konstituintes di sidadi interu ki ta refleto forsa di Boston. Inkluidos na sujeston di menbrus sta:

- Pai di alunu ki sta na skolas Publikas di Boston gosi i un alunu atual;
- Lideres eskolar ku vastu speriensia na ensino i administrason na níveis primáriu i sikundário ku susesu konprovado na saí di skolas ku status di rekuperason, konfigurason di inkluson i fortes relasionamentos entri pais i skola;
- Lideres di Sindikatu di profesroes i komunidadadi di ensino superior;
- Individuos ku profundu entendimentu di nesisidades di nos studantes ku difisiensias i ambientes di edukason spesial, i alunus disfavoressidus susioekonomikamenti;
- Vários menbrus ki ta fala un otu idioma alén di inglês i ki ten un foku na nesisidadis di nos populason di Aprendizes di Inglês.

Apartir di prósimu semana, Komitê di Buska ta realiza un serie di sesons di konversas publikas pa pidi reason/opinion di publiku i sugestons sobri kualidades ki es ta dizeja odja na prósimu superintendente. Ta ten oportunidadis adisional pa pidi opinion/sugeston di publiku sobri finalistas más tardi duranti prusesu. Nu ta lansa un peskiza online ki ta ser traduzidu na kes idiomas más faladu na BPS.

Di akordu ku práttikas di pasadu i konformi permitidu pa nos statutos, koperason diretu ku Presidente Kamara en relason a Komitê di Buska é akonselhável i valiosu pa Distrito. Kel li ta rekonhesi ki Superintendente, nbora kontratadu, avaliadu i pagadu pa Komitê di Skola, é tanbé

*Memorando di Komitê di skolas di Boston: Buska di Superintendente Afiliason & Enkargus
2 di marsu di 2022*

menbru di Gabeti di Presidente di Kamara i el é responsável pa linha di iten más grandi di orsamentu di sidadi i el ta supervisona maior numero di funksionários di sidadi di ki kalker otu menbru di Gabeti. Asin, konpozison rekomendadu di Komitê di Buska foi fetu en diskuson i koperason ku Presidente di Kamara Michelle Wu i se ekipa.

Komitê di Buska prupodu ta ser co-Presidente, Dr. Pam Eddinger, Presidente di Bunker Hill Community College, nos kolega Lorena Lopera, i Marcus McNeill alunu na se ultimu ano na liseu Fenway. Lista kompletu di menbrus rekomendadu pa komitê di Buska sta inkluidu dibaxu. N ta presenta formalmenti es lista pa nhos konsidera na nos runion es noti. N ta pidi Komitê pa vota na total di menbrus pa Komitê di Buska es noti, asin pa es pode komesa ta trabadja imediatamenti. Es Komitê di Buska, oras ki el aprovalu, ta inisia prusesu di pididus, verifikason i reduson di lista di kandidatos ki kre ser superintendente. Es é spesifikamenti enkaregadu pa nomeia ti três finalistas pa Komitê di Skola di Boston, Presidente di Kamara Wu, i publiku en jeral konsidera, i disizon final ta ser tomadu pa Komitê di Skolas di Boston. Alen di keli, lideransa di Komitê di Buska dja konkorda na faze di tudu pa torna prusesu más transparenti pusível, inkorpora opinion publika, enkuantu ki es ta preserva konfidensialidadi di kandidatu oras ki nesisário.

Pasus sperados é kes sigintis li, un bez aprovalu pa Komitê di Skola di Boston:

Marsu-abril: Komitê di Buska ta realiza un serie di sesons di konversas publikas pa pidi reason/opinion di publiku i informasons sobri kualidades dizejadu di kandidatu, ben komu prusesu di entrevista i seleson. Keli ta ser util pa garanti ki diversus vozes ta ser obidu na inísiu di prusesu. Un ekipa di revizon di RFP ta analisa sugestons di Komitê di Buska ki ta respondi a RFP, ki ta vensi na 18 di marsu di 2022.

Abril: Komitê di skolas ta aprova un Komitê di Buska, diskrison di trabajdu di superintendente, i imiti un xamada pa kandidatus kualifikadus.

April-Maiu: Komitê di Buska ta konpleta verifikason inisial i verifikasons di antisedentes di kandidatos; Komitê di Buska ta analisa kandidaturas i selesiona kandidatos pa entrevista na seson izekutiva, a fin di preserva konfidensialidadi di kandidatos. Dipos di rodadas di entrevistas, Komitê di Buska ta selesiona finalistas pa apresenta pa publiku.

Di prinsipiu a meadus di junhu: Komitê di skolas ta anuncia kandidatus final i ta marka entrevista finais. Entrevista Publikas pa finalistas.

Final di junhu: Komitê di skolas ta vota na kandidatus ki sta ofereseu postu di superintendente.

*Memorando di Komitê di skolas di Boston: Buska di Superintendente Afiliason & Enkargus
2 di marsu di 2022*

Di akordu ku prátikas i buskas anteriores, N sta pidi pa Komitê di Buska, i ses menbrus, aprova kargu i linha di tenpu na mesmu noti ki el é formalmenti apresentado, pa permiti ki komitê inisia es prusesu más rápido pusível.

N kre propô pa nu ten 3 co-presidente: Dr. Eddinger, Ms. Lopera, i Marcus McNeill - un edukador, un menbrus di komitê di skola, i un alunu. Keli é midjor abordagen pa es tipo di tentativa na es mumento.

Komitê di Buska di un superintendente di Skolas Publikas di Boston di 2022

● **Dr. Pam Eddinger, Co-presidente**

Presidente di Kuléjiu komunitário Bunker Hill

● **Roxi Harvey**

Presidente di Konedju Konsultivo di Pais di Edukason Spesial di Boston (SpEdPAC)

● **Lorena Lopera, Co-Presidente**

Menbru di Komitê di Skolas di Boston i Diretora izekutiva di “Latinos for Education, New England”

● **MarcusMcNeill, Co-Presidente**

Alunu na se ultimu ano di liseu

● **Michael O'Neill**

Vice presidente di Komitê di Skolas di Boston i Vice Presidente Izekutivu di Zozimus

● **Dr. Carline Pignato**

Diretora di Skola Primária Channing i menbru di Forsa Tarefa di Oportunidade & Lakunas di Disenpenhu

● **Gene Roundtree**

Superintendente sikundário di Skolas Publikas di Boston

● **Jessica Tang**

Presidente di Sindikadu di Profesores di Boston

● **José Valenzuela**, profesor di stória di alunus di 11^a i 12^a ano na Boston Latin Academy

N sta ansiosu pa obi diskusion di oji noti i pa avansa es trabadju krítiku na nomi di nos alunus.